

綠天書舍存草

綠天書舍存草

嘉興 錢楷 宗範

第二卷

起乾隆庚戌盡嘉慶丁巳
凡古近體詩一百零一首

七峯別墅晚望

獨立蒼茫興不孤
暫時塵眼對菰蘆
滿天秋氣雨霏夜
隔岸人家燈照湖
楊柳六橋碧活脫
芙蓉兩角青
模糊箇中許着鳥
篷舫便泝烟波作釣徒

九日

靜宜園曉直

玉泉西去路逶迤
馬上乘船趁早暉
人海不知秋已老
重陽如此古來稀
風驅落葉滿山響
石迸流泉行徑微
腰腳

非關莢菊健鞭絲還逐暮鴉歸

百泉兄南歸寄呈捧石從父二首

卯歲秋風賦遂初七年人海滯公車先生老向回溪屋小

子春邀淡墨書門下淵源辨香續

搭會試座主管松厓先生出從父門下

日

邊臚唱竹林如

從父廷試二甲一名

甲科十世詞林六述德言長感

勗予

八秩無疆

帝壽開兄銜父命祝

釐來裒然快讀傳家集健在猶勝引滿杯臂病去年妨畫手鬢絲鎮日倚吟梅憑傳林下粗粗狀記取春明問訊回

寄陳桂堂太守三絕句

五龍書體今詞館九府官常古度支十載公車三牒隔我來俱已後君時

竹使符名記注高天教看遍武陵桃也如何遜揚州去留得詩名在水曹

三十六峯如昔夢湖湘山水入新題遙知落帽登高節太守詩應徧五溪

楊六士比部齋中菊花盛開招飲賦謝

塵容誰插滿頭黃整遣秋情到此堂重九節來閒日月詩人句裏有風霜比鄰便爲花期約小飲甘輸酒戶強後會從銷寒九九臘醅拚到落梅傍

程也園舍人寫並頭菊配以舊所得鴛鴦菊爲一卷

題句見贈依韻奉謝二首

退朝花底試霜毫畫筆詩名在省曹一幅折枝圖並蒂九
秋佳色贈同袍不教脂粉汙東絹如寫蘭荃入楚騷爲補
鴛鴦新樣種剪裁風力謝春刀

雅懷未遣俗塵降小卷沈吟靜夜釭插鬢風期辜九日拒
霜花信到秋江雕紅刻翠嫌傷雅冷葉疎枝正喜雙畫裏
我當勤護惜年年留取供寒牕

送張葯房同年歸省粵東二首

瀛洲與我跡參差又復霜天送遠時萬里驚傷鴻雁影

以時

兄喪亟思省親

九秋整別鳳凰池椒觴定詠循陔膳梅使須傳過

嶺詩此去如君真樂事匆匆不暇酒杯持

阿翁七十健鳩扶令子才名重

玉除摯行更高毛義檄冗懷遲乞鄭虔書同年正喜飛鳧

恰謂萬花庭同年
銓授仁化令

舊雨緣知聚梗如惆悵明年春紫陌朋

箋樽酒苦思渠

葯房以事逗遛邀同人餞別疊前韻再送二首

歸期正爾喜參差綠酒紅燈促坐時已過秋風張翰鱸膾
牽春夢惠連池明知永夕終須別難遣鍾情又有詩射覆
藏鈎歡且劇十人手共一樽持

莫辭爛漫醉人扶明月多情也照除米老船歸都載畫匡

廬家近便郵書

劉金門以葯房道
出江西屬寄家書

眼前霄漢相期切堂上

椿松願祝如怪底臨江遲來客

謂萬花庭

者回離緒不關渠

喜晤李載園同年

符清

車塵遠自析津來，日下聲名吏隱才。
簿領叢中詩有債，烟花界裏令如雷。
事真飄瓦誰能料，心有虛舟定不回。
賺得長安今舊雨，垂鐙排日鬪深杯。

顧阿瑛所藏造雲石歌

蒼溟骨立紫雲隨，壺天咫尺芙蓉倚。
研山已去洞天空，江左風流還有此。
東吳文學耽隱緣，草堂開向界溪邊。
坐中佳士左右竹，茅君說法維摩禪。
飛來一峯何壁立，題賞朋尊近移席。
光搖芝菌凝銅池，韻戛商飈和鐵篴。
夜半何人移去來，金壺自竭玉山頽。
雲林清秘梅花屋，流轉人間更幾回。
遙遙胃接東橋老，二百年來舊文藻。
未遣仇池馬易

韓依舊連城壁歸趙人如石壽石如人不朽遭逢自有真
太傅東山安別墅蒼生霖雨潤斯民平泉草木其可讀文
字歐陽集古錄珍重當年巖穴心我我貞翠山如玉

臘杪也園歸自蘭州復出畫菊卷並諸前輩題詩見
示疊韻代柬二首

幾人鬪險苦拈毫多事花神笑我曹冒雨閒情如老圃雕
蟲結習尙青袍詩刪綺語何傷畫人有秋心不涉騷亟付
裘池相料理春風二月又如刀

冬烘心事簡書降記室蘭干驛舍釭小別一枝梅寄隴遲
歸十日客臨江

也園隨司空福公赴甘肅藏案

年光正值銷寒九畫卷重

題疊井雙從此傳觴花廿四蓬蓬生意驗文窗

和汪文軒同年滄鮮煮筍之作

臺心芥甲滿家塍春劘山園竹露凝風味江東渾似夢玉
堂居士澹於僧老饒未遣南烹法清福羸消肉食朋肯與
屠刀都放下黃齏淡飯問君能

文軒方飯
佛故云

漁莊叔以張柳洲自新鄉駱駝灣寺攜歸旣齋叔祖
遺稿命楷錄之憮然有感輒繫以詩

十歲我爲無父兒拜公銜恤歸里時謂予三代早卽世門
閭汝必光大之三冬文史貴足用可與諸叔相磨治小子
操觚試童子公來服闋官河湄但聞善政大梁最民懷其
德生立祠泉明時有示兒什謝客不廢登山詩族人傳說
艷鄉里廿載陳跡今見茲駱駝灣寺作寒食薄領清暇遙

可知東坡諸子諳詩律斜川句法尤出奇僧瓠秘若山門
鎮使車歸載副墨隨諸叔執卷喜且悲讀罷示我涕交頤
此遊卷紀年癸巳分符擢守皖江移距甲午秋甫及載公
憂去職旋騎箕零丁孤叔苦似我文場跌宕逢數奇天平
福善報不爽聯翩十年皆鳳池不才亦庇節母蔭玉堂金
馬從參差惜不留公觀此盛傳經一慰平生思招提香火
自今古宰官名與相維持捧卷閣筆三歎息屋梁落月燈
照帷

題朱舍人

承寵

夢遊黃山圖

我友陳太守昔夢六六峯作圖紀夢掛齋壁齋名篆額曾
屬儂今者舍人示尺幅濃皴淡抹一痕綠我生未到黃海

顛此景圖中見已熟萬事無獨必有偶顧於二子當可否
太守家住吳淞濱虛飄飄想黃山雲其實不識真面目徒
以好事驚詩人舍人徽國遙遙冑石田茅屋人惟舊養矩
門才再世仍郊祁科第江東又揭來供職京城居居常同
巷出同車阿弟含香白雲署阿兄橐筆紅藥廬紅藥廬一
事無稀聞晝漏清蘊蘊忽然家山落眼底支筇踏遍青芙
蕖迢迢碧雲梯灼灼青松枝松深雲鎖一萬八千丈二十
四洞爭出奇回頭歎遇容成子身跨銀鹿入雲裏貽以一
握黃金髓餐玉之訣毋乃是攀雲欲語呼不聞九天虎豹
排紅塵何來鈴索振清響驚醒吟身玉堂上官情旅思兩
茫然臥遊却寫此圖傳吾聞水歸壑兮土反宅古人志不

忘鄉邑摩詰詩皆輞水莊大癡畫必虞山石不然汗漫遊
八垓世無飛仙挾蓬萊神州佳山水無盡豈徒鴈宕兼天
台浮烟浪墨費多少安能圖盡真形來狂言爲君肆傾倒
兼寄湖湘舊詩老

送周小濂

銓出都

別離多知會面珍閱歷深信童交親燕山雪花大時節蹇
驢道遇周彥倫十二年前共應舉槐市青春輩三五幾人
袞袞筵清華賤子浮沈君更苦去年我始捷南宮君舉江
南得路同人共春光到僧舍文如花艷鬪東風誰知又下
劉蕡第匣劍囊書尋活計雲間日下舊聲名綠水芙蓉盛
交際司空東閣開翹材節相書銜記室來岐路未知孰去

就朝來告我驚徘徊我起爲君歌陟岵佐以蘭成小園賦
刺繡羞爲倚市容出門且向江南路江南春水高拍天尙
書郊外迎賓筵清秋幕府倘餘暇便放吳淞歸省船

和馮玉圃小除夕同夜直原韻

榻列東西戶不局一冬幾共此燈青學疎蒼雅繙書推言
盡韋弦破睡聽無事福同清籟月舊遊塵憶玉堂鈴長安
爆竹千門響憑送春聲到

禁庭

題瑤華主人所藏菜竹亭重陽高會圖圖爲紫瓊道人畫

美景良辰過眼疾梁園如此金尊何一番重九一番菊已

奈秋來風雨多風雨花開復花落年年畫裏秋猶昨欲問
花間迹又陳亭外琅玕是故人

上畢制軍秋帆先生四首

卅年得位歲星臨事業文章許獨任鳳閣鰲頭唐甲第經
神學海漢儒林韓公北斗時名重謝傅東山地望深合詠
杜陵開府句何人第一數當今

青鬢從容步上台封圻

帝眷被無涯山河險要關中鎮江漢風流峴首懷魚鳥久
來渾識面雲霄自致不須階八州都督駸駸起屬吏門生

幾輩偕

直省督撫
半公舊屬

手筆從來僕命騷論文揚對

玉音褒坐中佳士翹材滿郊外迎賓置驛勞商略遺文出
金石校讐古簡辯萊桃好書如色才如命不爲金樽鬪興
豪

句臚唱第聽年年半是門才引木天莘老文章重臺省謂季
述容齋翰墨似神仙謂雅聞承家法千秋後提唱宗風一

代先大匠心知無棄物曲轅于我愧材幹

題屈元安母夫人綠窗小詠遺稿後二首

一卷黔婁淚千秋道韞詞真才多薄命有子自能詩檢篋
綠窗藁題緘黃絹絲平生金粉澤零落不隨之

悄悄知德靜落落聽辭高獻頌尊章拜思歸伯姊勞瑤臺
根宿昔慧業漫皋牢手澤其勤繼文壇僕命騷

寄方葆巖從福嘉勇公征廓爾喀軍中三首

航海歸來又策勳

會從征
臺灣

典戎西去舊將軍雪山征戰非

無國露布才華獨有君萬里坐違將母切三塗行拯衆生

紛他年奏凱銘功日不數燕然片石文

載筆雍容出據鞍蘭山青海路漫漫送行詩待郵筒補橫
塞書來盾墨寒鳥道跡稀迷雪瘴馬通氣烈攪風餐昆侖
星宿都經遍一洗儒生眼界酸

樞省聲華達

帝居家風不忝鳳池譽頭銜孔翠旌勞舊

上考宣黃記注初

本年京察
召舉異等

戎馬書生枚叔用爪牙聖相

古通如高堂白髮知忠愛不爲嗟子望倚闥

初十日同汪蘊亭檢討汪玉榮祭酒阮芸臺少詹胡
西庚劉金門兩學士侍鐵少宗伯夫子遊陶然亭補
作登高

昨日鎖樞省無花尊酒空不有展高會胡以攄幽悰秋光
麗南郭顥日磨霜穹野樹靄殘綠車塵飛輭紅鴈天浩無
際蛇徑修可通孤亭屹在望飈館方來風蘆丹與榭碧江
南圖惠崇吾師休沐暇出郊跨青驄從遊亦不俗載酒如
蓮筍重陽氣候暖金鎖黃菊叢詩芽先花發遊瞬宜秋融
古歡禮數略強戶深盃雄暮色上城堞促歸何匆匆尊前
賺佳節健會師友同豪素渺難寫得句屬羣公

六月二十四日俗傳爲蓮花生日招同諸前輩就邵

雙橋前輩寓齋對瓶荷壽之得詩二章末章兼簡秦
小峴前輩是日秦以夜直不至

關塞年年我負花湖鄉藕蕩渺天涯移尊覓作芙蓉主
避暑聽迴轆轤車秋意未妨紅粉褪酒情休遣碧筒誇一枝
出爲羣公壽拚醉山翁就習家

江南憶爾正田田墮落飛塵也是僊能抗炎威開六月早
登淨業見諸天朋尊吳語將花健風露朝衣有客偏珍重
莫教歌驟雨明年定祝藕如船

寄楊荔裳從軍衛藏八首

江東才地數淵雲肯事區區翰墨勳萬里功名思報

國十年兄弟例從軍蘭山舊保金城障

令兄蓉裳宰伏羌
值逆回煽動率義

勇固守城賴以全草檄今除雪嶺氛捉筆矛頭磨盾鼻祖生鞭着

分輪君

京華落莫幾春秋夜半戎裝促治郵空橐祇安元叔素窮
途何暇步兵愁車裘潦草屨奚倦門戶支當健婦謀此去
一心君相事百無挂眼況離憂

嚴程淒緊歲將闌隴樹羌雲叵耐寒已是漢家西域盡休
言蜀道上天難三家聚落荒烟冷十丈圍封集霰殘不道
烏斯三藏國書生今亦挂征鞍

書來佛土說殊宜天外人區理絕奇見後漢書香海何方多逐

臭丹砂無術那充飢僧雛碧眼三生印梵嫂紅顏兩頰脂

差喜上元燈火夜花鬘瓔珞鬧蛾兒此皆來書所言

貌焉部落據天西蠶食無端狡噬臍負險敢憑五尺道臨
邊輕許一丸泥犬牙有利爭蠻觸螳臂何知欸狄鞬如是
我言須白佛見空胡乃盜糧齎

將軍百戰有奇功丰采當年紫閣中直自扶桑窮月窟果
然

神武馭英雄平淮上相谷裴度出塞諸軍督李崇不是

王師勞襲遠降魔掃蕩梵王宮

星輶參贊去縱橫

惠制軍和少馬
州僉赴軍營

想見籌邊萬里情冰雪

金天春駐節風雲玉帳夜譚兵屢山轉饒牽牛睨組甲由
旬舍馬行九敗五難如指掌挑燈舞劍儼聞聲

副君腰腹有文詞戎馬偏多智略奇燕領古來儒者相鳳

毛池上舍人詩回生火宅三塗秘盼捷山莊六月師臘雪
出門今暑雨刀鐙須約一年期

送張桐谷歸里四首

脫身朝籍徇湖山此別觚稜不復還
廿載頭銜纔一換歸來猿鶴識君閒

鬢絲禪榻別秋鐙寄食蕭然退院僧
料得宦遊無長物詩囊書卷歷行牕

浮瓜沈李夢猶新入座年時授簡頻
梁苑雪消賓客盡回頭忍說舊游塵

男兒真似可憐蟲暑驛鞭絲逐塞翁
鎮日思歸歸已得中秋遲我莫怱怱

張家灣

劃開塵界破蒼烟未厭車聲殷陌塵秋暑氣空湖水上南
天雲渺客颿邊吾行昨日猶關塞一別春波幾歲年底事
出門但西笑欲東容易有江船

八月四日諸同年集飲陶然亭

輕寒薄野近霜晨當作同年紫陌春敗輦來風聲獵獵遠
山銜日碧粼粼夜提金甲流沙域秋泛江湖中酒人才不
才間唯我拙素衣猶漬塞垣塵

爲伊墨卿題 質王所畫竹石

琅玕一枝玉一尺消沈不共梁園雪壺天染翰想精神白
雨蒼烟正清絕青復花開幻夢漚九天鸞去毛羽留多君

鄭重弄遺墨竹君石丈黯古秋秋毫積素麝煤碧左右當年燈火夕西風挂壁挂了又腸斷西園舊賓客

至杭州聞小峴觀察陪芸臺阮學使游西湖代柬二首

詩人出處例西湖地美天教管領殊露冕行知春有脚星車坐見氣如珠同尊我輩思秦七蠟屐平生說阮孚使節雙清今作合鶯花魚鳥見曾無

不勞五馬與雙鳬出郭傳呼屏路隅左右但宜佳士坐

謂家

梅溪主賓羸似道人孤溪山勝濟拚游遍風雨春晴放客迂歎我緣慳遲不值十年別夢柳絲紆

舟中觀村落雨後桃花

野桃花開照水紅水邊籬落多春風春風無乃妬花事十
日九雨吹溟濛花光自惜村紅面點破頑陰林一片胭脂
初染痕未乾畫工誰倩飛雲彈雲空水影黯芳草帆斜欲
落暮寒悄暮寒催人人不去獨聽林間竹鳩語天涯烟水
何處尋十年塵陌江南心

過桐鄉訪金夢巖比部兼簡蔣春雨先生四首

一窗寒綠著書眠不夢觚稜已十年銀鑿落傾文士酒玉
丁叉載畫人船勞塵間濶逢諸葛生事蕭疎拙計然爲報
長安賢妹壻早排共宅古藤偏謂趙味辛舍人
僦居以遲君去

古藤風雅百年奢

竹垞先生
舊居也

遺韻于今歲有花紫陌春藏

詩屋老去年我醉夕陽斜城南巷轉門容駟硯北苔深蔓

絡蛇人是小長蘆合住金閨底事不如家

似我郎潛愧不才歸心重感素衣哀出門苦雨鳩巢拙上

冢誰家麥飯催

余方爲先
祖母營葬

旅次行過榆杏節幽尋近在水

雲隈山童莫漫嗤余俗袖挾西湖濕翠來

春雨先生味道腴相看鬚白撚詩餘梧桐鄉裡生徒盛椒

柏燈前緒論疏

正初曾
枉訪

老屋虛尋三徑草別懷終欠十年

書高齋倘許扁舟訪剪燭談拚子夜初

掃墓雜詩八首

水上春風百五多眼明見此綠婆娑十年寒食思家客暫

展鄉心一剎那

港南港北一橋通掘筍烹茶聚族風軒檻樓臺餘拜石春

苔自鎖碧玲瓏

忠泉故居惟先太常拜石軒前片石尙存

太傅祠堂近水涯新松映帶舊山斜

先文端公塋與兩涯公塋相接

牛

眠福分誰消受欲問墻陰壞辟邪

水流屈曲見孱顏漱上扁舟月一彎幾輩世科蒙舊德雲

孫今拜萬蒼山

朝停六里堰頭船路熟興丁上冢便懷桺重新老宗伯斯

樓遺澤共湖天

萬蒼兩舍皆舊石宗伯公歸田修葺樓名湖天海月

南湖北湖抱晴沙左峯右峯如排衙鶯啼烟落山紅蕊蠶

浴風催穀雨茶

海上風帆一綫分登高胸臆盪晴雯他年早拔勞生腳芒

屨空山蹋紫雲

夕風古蕩隧華離太尉山門廟貌敬漢代勳名憑剔薛讀

先公著此殘碑

太尉後漢皇甫嵩也有太常公撰碑述廟祀之故

先

題某秋水寄懷圖

端坐觀物化南華第二篇所思渺何許秋色淡寒烟詩夢水雲窟人懷鴻鴈天四鱗多代謝此景自年年

題丁小鶴偕曾鯨堂游煙雨樓唱和詩冊

我別南湖且十年歸來未踴南湖船素衣何心逐明媚閉門梅雨空憂煎瑤華惠然豁懷抱湖鄉清境如沿緣辰良景美賞心共是爲樂事因乎天人匪獨游酒仍滿詩方各出文競妍湖樓今日適然遇春風沂水皆眼前

謂二子

我願一息汗漫想心追畫舫隨雨煙乞將好手補圖貌廣文

先生弟子員

讀明史偶詠五首

涇江日暮風水寒金吾左右持降幡
艤舳巨艦燒不盡三軍齊唱出湖難
當年擊碎天完首班賀紛紛沙岸口
真人出世世無敵龍興十一郡奄有一
敗江東橋再敗康郎山宮中鏤金牀
好在載尸還吁嗟乎黃屋左纛不知死
悔不作沔陽江上漁家子

陳友諒

萬戶告身招不得獨有江南據江北
平江一夜羽書來畫策空辜說降客
萬里橋波淘淘錦衣銀鐙十條龍
齊雲樓下炬火紅幅巾何處可乞命
恥說隗囂與竇融嗚呼古之豪俠順
天則捷越江環環吳山疊疊金闔西
風何獵獵吹

落門前黃菜葉

張士誠

東瞿唐北劔閣西蜀形勝制千里誠哉不世業可基胡爲
語出元進士元進士丞相死一傳事業初開熙奉書獻木
曾幾時壓境突過征西師銅鑼鐵索飛橋斷歸義君臣盡
縛面吁嗟成都奔豈若降軍門君臣克保身智不如婦人
當時枉殺吳友仁

明玉珍

開平人傑不足比誰爲天下奇男子太原擁騎奉元儲靈
武肯希脅禪指當年節制四將軍讒間如何罪狀聞西歸
一旦兵生變委罪空裁撫軍院撫軍撫軍西北奔入關諸
將降紛紛何來流木黃河濱和林致敗十萬衆王師不敢
出鴈門吾不能臣王保保畢竟高皇能識人

擴廓帖木兒

白石江頭霧雨回一聲銅角麾氛埃長驅入關龍首尾蒼
山洱海何有哉滇池百蠻指顧定南天萬里誰爲開將軍
威信象猶懾片楮直下符如雷矧於民生實利賴朝廷養
子功恢恢嗚呼朝廷養子功恢恢黔公未絕桂王來

沐英

題沈硯梨上舍松窗讀易圖

石徑松陰長綠苔春風雪落又梅開偶然畫景如天錫

郭鼎

有松窗讀易圖羨爾經師有蜀才歲月丹鉛難買得犧炎

入石渠寶笈

河洛獨探來眼前解識天心復欲使雕蟲技盡灰

吳榕園過舍夜話二首

春開蔣徑一逢君

春正晤君於硯石蔣氏

識面匆匆手重分戚誼年

深疎陌路交情人遠隔秋雲孤生負土憐余拙槁壤圖形

闢衆紛何但青囊傳玉尺直從河洛證真聞

君爲余營先子墓地

平生心不厭煙蘿眼底書曾萬卷過家世公卿遺草在詩

懷兄弟對牀多

謂令弟思亭

案頭未放乾螢死酒右還堪倚劒

歌先塋松楸同澈上永安秋約泛湖波

君祖塋與先七世祖塋均在澈浦之

永安湖上

桂蕊次芸臺學使韻

秋風消息自年年又值初涼退暑天高嶺影催金粟現綵
雲輪試玉蟾圓賒尋北地看花後恣養東堂射策前使節
吳興歸去日飄香好證鷺峯禪

次和伊小尹太守題片石居四首

蘇白千秋後何人得曠觀湖山詩境拓簿領宦情寬卽此

幽居勝休當片石看使君會風雅銷夏一憑欄

城郭山川景登高見幾層冗懷刪竹雨涼思落風燈烟火
人家靜桑麻歲事興宣城莫低首底讓謝公能

額字雲間舊襟題浙右新湖平西子面暑却庾公塵夕翠
橫城角江風動水鱗散衙吟樹底不記長官身

炎風方藻夏愁病獨雞栖鶴夢留山久雲停壓座低政成
無判事詩好得緘題便欲相從去紗籠印雪泥

題許恕堂小照二首

晴波如鏡拭青銅魚尾脩脩冒落紅茅屋藏陰溪外樹釣
竿撲絮柳邊風忘機可狎一雙鷺泛宅誰攜了髻童知是
西泠何處曲定從花港放船通

輕涼新試紵衣單石翠波痕到鬢端儘擬著書披笠隱未

妨換酒送春殘卷中人爲牽鷗夢湖上莊應補鴨欄君置西湖

別業極清曠之趣人稱許莊我亦乞將釣輪子櫂歌聲裏覓漁灘

聽弈圖

蛛絲蝸甲太勞心底似空山局外音春欲無言花院靜客

來宜在竹樓深敲將詩夢有時醒趁却樵風何處尋任爾

輸贏爭歷劫聞根一着證從今

九日登烟雨樓二首

岸淨沙明艇子平放游天爲作黠陰輕十年鼻夢如烟雨

今日莢觴此弟兄衫印水痕菱角起鬢催秋影柳絲橫吾

鄉且喜年豐樂聽取中流簫鼓聲

桂花開向菊花天金粟秋遲賺滿前
僧訝客疎芟徑草樓迎風直貯堤烟
橋欄荷檻磯邊渚槳劃菱波蕩裏船
却憶年年隨

輦處香山斜日玉驄鞭

蔣春雨先生屬題先宗伯畫菊便面

昨夜西風吹老屋打門客餉兩叢菊
朝暎簾影月黃昏看花得似今年足
先生淡與黃花俱有花不簪華髮腴
袖懷摺疊扇十四一一吾家宗伯圖
梅蘭竹雜四時卉間亦自詩還自書
年年畫扇畫不恡先生熟公方遂初
遂初未滿十年樂林泉一昔花光落花
中惟爾能延年酒杯懷絕重陽天真
花刹那競錦繡秋心畫裏空雲烟雲
烟今落先生

袖花兮且祝先生壽世上多公畫法良誰似先生真鑒藏
先生之詩公手錄由來臭味關文章文章不磨畫不朽吾
鄉才子相先後今年今日黃花期讀公詩畫先生貽却憶
寒香環滿座寶澤堂中吮墨時

雨中同玉元圃放舟西湖飲許氏莊四首

三春我負看花天清興連番阻撲緣乘傳故人來日下同
舟仙侶住湖邊料量供具茶兼酒作去聲弄殘秋雨又烟騶
唱郭門難喚渡爲妨小吏捉人船

中流淺閣水稜稜舴艋重牽兩槳憑花事老餘黃菊在客
懷清敵碧波勝船尋僻渚猜忘鷺雨躡危梯健過僧小憩
祇余慚濟勝請從倘欲策溪藤

塘上莊扉畫不局垂楊樓館枕斜汀雨隨酒舫飛來白山
向湖雲缺處青天入鏡中常活脫峯當眉色遠娉婷

主人故有

姪人生綃底覓荆關手一幅西泠好畫屏

一年離緒且憑欄樓外秋風入髻寒顧我勞心歸似客多
君隱趣勝於官漁鄉屋愛牽船住傳舍山羸走馬看珍重
強拚今夕醉明朝別酒又長安

題芸臺學使修書圖

幾輩登黃閣如君最妙年

聖朝重經術才子有神仙圖籍漢天祿山池唐集賢秘文
多藻鑑名蹟漫雲烟

寶笈籤初起鴻都石又鐫

臨軒僚乃簡正字職司專叔重無雙士高堂十七篇師承
推馬鄭俗謬訂烏焉兩事程兼促羣公任獨先明光班更
立曲讌句重聯特地壺移箭常時院撤蓮旬休歸珮早夙
退檢書便邸屋城南近文窗硯北連竹籬茅舍是黃卷夜
燈然侍女褰簾閣涼秋掃葉天頽雲渲墨髻翠袖舂吟肩
纖指披番穩明眸照字偏應知通德婢不礙授經宣篆細
官芸蒸茶溫

賜餅煎紬皆東觀本講勝邇英筵握此生花筆成如下水
船文章誠報國檢校勒成牋奏

御邀

宸賞陳風動使旃諸生臚岱畎美俗化湖壖樸學菑畚正

清衡月鏡圓公餘仍矻矻才調自翩翩著錄都金石哀尋
逮礪泉拔尤人十五接篋句三千淮海英靈集輜軒甲乙
編稍因疎侍從曾不廢丹鉛舊夢登瀛侶方春出谷遷詞
臣奇玉局史館重班堅翰墨南齋裏絲綸北斗邊青雲蒙
不隔絳帳會高懸聽鼓陪晨直含香愧冗緣多輸稽古力
竊玷纂書員畫幀能風雅經帷想練研元風昭縟緯翠琬
入陶埏世叔五行下尙書半臂傳也應讓頭地文治贊無
前

家梅溪上舍奉尊甫愛竹山房圖遺卷屬賦二首

故園無復夢平安雛鳳襟翻血淚寒嘉樹勿忘修竹在清
風剩對畫圖看空山梅屋幽耽絕老節霜筠養到難我亦

穉孫同望斷慈暉長鎖碧琅玕

予以丁祖母屠太夫人承重憂歸里

一房山色人何處寒綠瀟瀟想舊居庾信竿遺小園賦計
然種薄治生書芙蓉湖近門遲欸蘭樹庭羅玉不如輸爾
清芬能世守春雷聽送入雲疎

小峴觀察索觀竹垞圖題句見示有農曹祇笑貧如
許不向南垞買半弓之句走筆戲答

竹垞詩老居有竹藏書萬卷亭可曝江湖魏闕辛苦來猶
向南垞半弓築小樓牆角添未添百年畫入詞人目菱池
槐汧別家山遺徑還存籬一曲我今歸來竹也無千竿只
羨圖中綠贏得農曹如許貧我讀公詩行捧腹外臺持節
三數年書生瘦似食無肉日日飽看西湖山買山買書兩

不足平安報我休見嗤賺有芙蓉湖上屋

題陳桂堂同年所藏 質親王書燈花詩卷四首

花然愁與對簷昏陳迹重憑昔雨論五色卷中空落燼千
秋天上黯吟魂華燈月榭春成夢蠟炬詩篇淚有痕爛漫
怪他何太喜舊時短檠舊朱門

七年燈火六窗虛我以蓬心濫廁裾詩待吟安常跋燭夜
嫌燒短共翻書未妨鑿落光文譙不爲璿瑜照舞除一盞
秋堂風味在河間鄴下比何如

一盞秋燈夜讀書
王所用印章也

百歲風燈何限情好從詩意見平生牟尼念轉傳薪指閒
闔朝先列炬城績女漁夫諳作苦年華物象繪昇平詞葩
意蕊皆成幻剩得西園墨瀋明

省郎無事但耽詩人海高齋刻燭時送璧忽驚仙藻落朋
牋却負好春遲雲烟一昔空華滅石火流光宦迹移今夕
江南悲憶句羊燈賦罷碧紗持

曾賓谷都轉席上賦贈二首

燈簷難得此清尊三月揚州舊雨門江左風流今日盛長

安心事五年論芙蓉畫裏傳花會

都轉生日爲六月二十
五日嘗於平山堂集詩

觀荷座中皆知名
士有圖并各題咏

明月襟前浣酒痕天被東南名士福使

星獨護瓣香存

淮南一水白於天便自鴛波放畫船風義高留騎鶴夢雨
絲寒入落花烟吟情何減紅橋稷客話重聯紫陌緣却憶
當時雨詩老送春攜我廿年前

乙未春簡齋棕亭
先生招飲賦送春詩

綠天書舍存草

嘉興 錢楷 宗範

第三卷

起戊午盡戊午凡古
近體詩百廿三首

自灤陽奉

命典試四川旋都途次雜成八首寄同直諸公末二章兼

柬吳少甫前輩

樹萱

伊墨卿同年

秉綬

炎塵纔喜卸征鞍一雨瀟瀟似暑闌柳院巢痕依小築

是

初旣寓於
柳樹院詞曹

使命逮粗官觚稜曙色三秋別塞上山容十日看從此馬
頭青不斷峨眉直送到雲端

年來隴蜀未銷烽霜暑猶遲盪寇功將略幾時銘劒閣山

程伊古說蠶叢談兵似我慙投筆仗節何人速挂弓欲向浣花尋故里高吟一酌杜陵翁

青蓮玉局舊鄉閭衡鑑毋忘辛苦初十載槐花忙舉子於

己酉成進士千秋蠶尾老尙書敢誇入蜀詩人例竊附觀距今甫十年

風太史車行過梓潼山下路文昌氣合蕊珠如

憑將蘭芷壯皇華叔也同時拜

命嘉冰玉行隨諸父後文章

恩遍小臣家楚材翹秀如江左雲巖叔同日奉命典試江南湖南叔於乙卯典試江南

春賦聯翩幾歲華余與漆林叔同捷南宮乙卯又同分校禮闈是年秋叔視學滇南萬里

使星應念此鳴騶雙唱說天涯

萍梁天與閱勞生莫道登仙寵此行首禾前輩臨歧謂余雨勢欲頽

凌瘦騎河聲如吼逼孤城星翻波底羣峯暝箭激船唇一
線爭夜渡灤平無處宿停驂襪被夢猶驚此二十五里渡略拉河事
年年避暑扈輪番客裏光陰笑語喧

天賜茶瓜亭午靜日閒簾簾塞秋繁歸期計更遲三月密
坐歡應少一尊朝出

乘輿誰珥筆陂陀西北上

宮門

聖駕拜廟輪直者例赴宮門西北門在山坡上策馬稍險

桂林使者老提衡詩語先鞭識祖生索句和遲銅鉢韻問
途游憶錦官城春風楨木三年蔭雪驛鴻泥兩地情準辦
傳抄箋十樣歸來吟橐待君傾

少甫先生拜廣西試差之命以詩見寄先生前督

學川

西曹判牘數伊人

謂墨卿君有印章日所謂伊人

扈從圖成覓句頻

墨卿新寫

影有約斑駁馳逐影相逢旅燕去來因江山不負吟毫健

金石應尋墨榻新君向瀟湘我秦蜀同年猶悵隔行塵

亦隨扈與子同日拜命典試楚南偕旋都下

自獲鹿至井陘月夜山行二首

茲游飽擬看山情來入西屏第一程四面峯圍明月翠萬
流夜激亂溪聲客懷倍覺風塵洗詩境都從險阻生澤國
生涯誰不識崢嶸今見太行陁

疊障重嵐悉數艱蓮花抱犢

皆峯名

最辱顏土門北峙雲旋

徑綿水西來雪繞山巖邑咽喉天下脊戍樓鼓角舊時關
滄涼只有今宵月照盡雄風百代間

平定州道中

層巖初落敞平疇積翠中藏此一州記得遺山詩句好他鄉誰有詠雲樓

靈石道中

廣陌繁華厭市門車塵靜使道心存汾流兩渡隨山曲霍嶽千尋作鎮尊脚底飛泉皆繞麓巖腰擁樹自成村品評最此稱幽勝合比山陰道上論

渡河

青山兩岸劃然開中有洪波動地來華嶽千尋擎掌出龍門一曲掉頭回關封函谷憑天塹渡轉風陵見堠臺正是

東南籌障塞秋期水又復槽催

東河曹汎漫工一年未竣奉旨於今秋霜降後

籌策

登華嶽廟萬壽閣

金庭一氣俯滄桑，
挈袂天風萬里長。
嶽色河聲真宰上帝，
都神府集靈旁。
坊日少昊之府
仙踪咫尺尋關尹，
墨妙飛騰渺郭香。
薄暮王程騎馬去，
玉霄宮闕白蒼茫。

臨潼雜咏三首

驪山宮殿劫灰塵，
千古傷心繡嶺春。
回望新豐原不遠，
漢家儉德慎夫人。

綵鳧鍛鏤想當年，
噴瀑連楹架壑偏。
不是蓮湯曾賜浴，
人間埋沒幾溫泉。

斜陽何處有高樓，
笛破箏殘羯鼓休。
多事三郎綿此恨，
明

河七夕不禁秋

寶雞驛舍晚坐

祀雞臺過路趨趨一渡金陵便卸驂樹裏波光分渭水嵐
腰雨氣黯終南無多城市高瞻近有喜軍書急遞探抖擻
來朝試新險客窗月上夢初甘

入棧

蒼蒼萬重山我行緣其趾百折仍一山一折一殊詭橫嶺
與側峯面面狀難擬東巖霧氣滃西崦日華綺水聲和碓
聲激盪不絕耳遙青樹瀟瀟皓白石齒齒位置邱壑間直
可山陰似我昔來從東聞棧怯倍蓰及茲履後知波雲攬
謫委酷暑旣云徂車塵亦不起雖然登頓艱頗悟靜者理

詩膽大劉又策險自今始

煎茶坪

飯罷雨絲絲西風殊未已

秦諺長安自古西風雨

仰望雲蓬蓬鬱若

天半裏少焉陟高坪直上二十里屢折徑愈庸方坦勢旋
起回望來時雲近攬可尺咫行行更幾層雲生俯脚底但
聽吼瀑聲奔騰激風水就麓謂稍平雨意益渺瀰不虞峻
坂艱轉以康馱柅暮寒稍逼人淒緊裝緜俟嚴程觸暑來
占雲日凡幾一雨行路難又盼晚霞紫

白黃牛堡冒雨行竟日

燈花黯黯照昨眠簷雷不絕如飛泉朝驂無那涉泥潦溪
聲夾道相延緣忽然一徑倚石壁對面截出還摩肩中有

一川束如峽怒瀧奔激雷聞聞萬源泉竇迸放躍陡絕作
棧雲鈎連行人輿轎出木杪聞根震駭心魄懸草涼驛舍
佇小憩喜見林表浮人煙人煙積雨馬頭濕五星臺高高
插天密蒙箐林闕深景顚顚石狀窮幽鐫白晝疑聞鬼颺
嘯上蟠九蒼下九淵得非天關守虎豹不然列宅栖真仙
阿瞞狂賊指天獄山靈蒙垢何時湔拂衣仰天叫嘯谷風
應金鷄一點返照豆積山西邊

鳳縣五絕句

莫言辜負鳳州來勝絕烟條踈地栽雞唱星懸忙擁傳分

無纖手捧金杯

唐人諺云鳳州三絕手柳酒

鳳嶺盤空織路遙晴雯萬頃麗單椒一身如葉雲如海欲

抗鞭驚叩沅寥

山田稜稜勢谿研翠剡離披峭壁斜不及道旁開妥貼西
風淋露野棉花

林亭罨翠石玲瓏絕似家園結構同兩板橋欄三折水山
中小峽過心紅

廢邱關外就夷塗却與滾流左右趨人在山行如畫裏忽
然雲表忽泉跌

紫柏山留侯廟

辟穀遺榮位業崇寓言游與赤松同浪沙半世存韓志茅
壤何心佐漢功千古從龍誰委蛻一時盡鳥早藏弓素書
假手開炎祚未必真師圯上翁

武關驛書事

朝過青羊鋪，虀食武關驛。武關驛舍，烟塵空三五村。廬燼纔息我心惻惻，問候人云：是今年重午夕，南山有賊越嶺來，援攫鼠行落無迹。提挈婦穉，將萬人一夜蜂屯，障江白操刃入室，掠人食，傾困束薪火。其室倉皇，中夜山崎嶇，那得全村盡亡。匿偉男，割辮脅，使令女妻，保淫首，纏帛無老無幼，薙如草，橫屍拋江。江水赤，山前山後哭，振天三日。將軍來辟易，發蹤追賊走從容。又向隴西肆鋒鏑，山村六月無行人。暴骸狼籍，鬼燐碧。卽今匝月，稍安堵，依舊囊膺走行客人。烟生聚需何時？太平兵燹民之戾，嗚呼武關一村何足論。楚蜀通都，與廣陌不知蹂躪更幾許。生願官軍早

擒賊候人末吏言則那大書欲寄和門壁

青橋

西行東轉順山椒一道江波曲折遙犖确忽從行處斷畫
眉聲裏過青橋

觀音塢

一峯趾欲窮一峯脉纔落兩峯起伏間夾泉噴如躍一束
十決盪巨石鎖其鑰關徑陡捫雲立壁峭排闕秦蜀昔未
通神鬼施鑪鑿面面無數峯竦向相窄巒浮景蔽陽曦奇
樹架飛閣上有大士相萬象恣揮霍頑石盡點頭種種化
險惡或如龍象調或如狻猊縛或如楊柳枝或如蓮花萼
何年修羅塗蔭此慈悲樂本名閭王廟行人八棧艱此地洞天

若與丁呼邪許一響四山諾

雞頭關

孤雲翠轉萬山頭一瞬平原古益州立馬回看秦棧路開
襟橫挹漢江秋關門函谷提封峙烟火褒城抱郭稠底事
先鞭纔起舞閭中鋒鏑未全休

渡船

雨漿船頭尾山灣復水灣灘平浮葉穩渡少拓篷閒淨綠
漁家笠孤雲褒女鬟湖船采菱候鴉軋夢鄉關

驛舍

驛舍小於舟明燈一夕留人烟虛燼火鼓角黯山樓賊險
憑三尺官軍老二州無憂庭桂樹花事逼中秋

次寧羌

亂流不盡渡雉堞見微茫屋比樓欄樹坪分磔礧塲舊邊
通白馬荒戍靖紅狼蜀道明朝是猿聲秋夜長

曉行二首

雲封十二玉烟鬟一角孤青賸遠山細雨涼風洄水上行
人早過百牢關

叱牛聲裏唱田歌秋早山農足稻禾但願軍門擒賊早萬
家安堵樂如何

七盤關

坡陀杳上碧空閒牢固西來又一關倦馬踏乾涸水渡

水堡至黃琪馴一水環繞散漫濕雲浸透劒門山防秋要

循路俗謂七十二步不乾渡

隘弓聲壯入蜀初程棧路艱判道捫參兼歷井身隨猿鳥
共躋攀

天雄閣

杜陵遊處山名似杜詩牛頭山閣在山腰景絕奇嶂列窗
亭子在閣中閣在山腰景絕奇嶂列窗
前平作自江行鏡裏曲如之綺田俯欲吞雲雨勝概憑將
入畫詩安得高文能喻蜀葭萌東望未班師

劒閣

劒山蒼蒼閣中央四峯撐起如劒鋌天光一線逼陽曜路
容方丈排天闔兀然飛株架絕頂坡陀百級梯升枕風雲
徑通猿鳥絕一夫執戟險莫當古人建置計深遠要使萬
古如金湯卽今成都控戶闔萑苻不敢西披猖安得終南

山石礪如此連雲捷徑樵蘇荒秦關百二亦險阻赫斯一
旦殲猶狂嗚呼何時殲猶狂將軍之勳銘閣旁

芭蕉花三絕句

客舍牆陰見粲然平生心賞綠爲天芭蕉葉子蓮花朵一
箇身心萬八千

重臺疊瓣綴玲瓏開落莫階次第風一瓣落後一瓣始開
故一花可開一年

五味作甘能耐久儘教花事一年紅

江南鮮綠自家種買春明也不花我欲歸裝移一本古

藤秋雨石闌斜余僦居呂氏
古藤書屋

自武連至梓潼道中三首

危梯步步筍輿欹送客多情是雨絲縣路兩行官柏翠縣路

翠武功貴尋山何處種松碑

一夜風簷旅枕聽武連驛又半程經使君笑亦郎當甚褻

飯傭炊過上亭上亭堡卽古郎當驛是日自治食具

梓潼郭外讀書臺山色凌雲擬賦裁莫向南行重問訊酒

壚那識長卿才

綿州

徙泊分新舊安昌一水通路紆隨短壠山盡見遙空野渡

久魚艇秋涼割稻風越王臺畔路無限夕陽中

次漢州

一碧渺烟潯西湖何處尋驛排金雁麗橋臥石犀沉薺樹

遠山翠人家修竹林南來秋暑盛涼思盼庭陰

題王雲圃太守

用儀

坐看雲起圖二首

等閒蒼紫幻離奇，獨寫閒情倩畫師。
作用要從霖雨後，安排都自出山時。
脚根不肯青松負，心事除非老鶴知。
一角任看天一握，茶烟自颺鬢絲絲。

千里連雲會識公，盪胸真似受和風。
家依霧窟尋詩勝，人望星輝撫字工。
五色秋堂官燭暗，千山玉壘陣旗紅。
太守從軍二年適旋省垣監試使君如畫長端坐，總在輪囷蟠鬱中。

惠陵

僭偽紛仍舊，益州井蛙何事也。
江劉錦城杯土三分統一洗江山白帝羞。

哭檢討叔漆林先生時視學滇南歿於廣西州試院

五首

詩本十首後
五首失稿

自高祖以下三科四竊第郎官典要職詞館不絕使居每
自省惕倚伏參物義門祚荷世德太盛毋乃忌去歲農曹
叔勇退亦此意抽帆臨別時申戒弟姪輩今茲萬里人鞠
凶忽已被數計通籍來不及歲星歲天欲嗇其年曷若減
其位鄉里馬少游牖下保沒世窮達與壽夭豈伊非一致
叔幼患創痍其脰何肩肩先公謂不育裏藥常終年十三
遇高手剗肉毒乃湔自此漸平後燈窗近青氈壯益善飲
啖醉欲斗十千舉動負盛氣習勞還晏眠將毋童時疾元
氣戕其天如樹本根蝕驟萎華不堅天道固難論物理或
有焉

猶憶歲辛丑叔也方計偕卸馭外氏宅相依住邸齋斗室
亞兩榻車塵聯六街歸來或鬥韻漏夜銷爐黯夢似雲無
着賞心屬對佳追思竟成讖修短先安排是時叔與指作
春夜聯句指出
句云愁如草亂生叔應聲曰夢似雲無着蓋爾時指以館
書程限促入都叔以先宗伯知貢舉迴避禮部試故造語
多苦不知此
語竟成讖也

小子試京兆叔已盡室來城南僦居屋閒日常趨陪團坐
一家話客思忘燕臺偶爾日晡作護視如童孩假借到裘
馬禮數寬觴鬯努力勗秋賦報捷歡顏開茲事若昨日雲
眼成塵埃

春官並落第南轅中別離豈不懷歸好依依轉天涯抵家
未數月書來告謔謔宣南賃屋底失火隣家楣踉蹌僅走

脫長物靡子遺從茲苦行役一歲居三移薄祿覲升斗謁
選猶無期負書漫奔走入口託繫誰皇皇復栖栖許愁日
在睂憂患已云足或者長壽宜長壽縱亦斬胡太促迫爲
自成都水程赴粵西督學任行至嘉定道中却寄林
西崖方伯徐玉崖觀察四首末章簡王秋汀觀察
錦城唱罷鹿鳴秋

恩命重銜桂管游藻筆淵雲鄉裏見翹材草木狀中搜官
麤非分慙風史星近難攀羨益州多謝使君高義在酒杯
寒勒菊花留

別緒關心遠道綿料量爲說買舟便霜秋巫峽歸槽水風
雨重陽送客天到及仲冬期二七情多官柳樹三千

謝人謫云

蜀唐安有三千
官柳四十琵琶回頭北斗京華望將母誰迎日下船

來穿雲棧去江津也漫雄誇萬里身紅葉青山行旅卷橫

聲帆影水鄉人鴈褰書待衡陽轉蠶尾程翻蜀道頻今夜

月明應貫得青城碑載洞天新西崖方伯以新僕青
城山唐碑拓本見贈

無多行李等浮家爲報平安過漢嘉詩翰靜因銷燭跋篷

窗寒不畏霜華秋江觀察以所刻詩
帖見贈並惠良裘遙知肺病經旬減珍

重堂餐努力加一事茲游差可哂浣花紗縠興徒賒留成
十

日不游草堂過眉州
薄暮不及拜三蘇祠

凌雲山

嘉陽山水天下無凌雲得名由髯蘇昔讀公詩夢不到那
得身佩漢嘉符今年入蜀典秋賦但從雲棧穿馳驅太守

元暉催考較

嘉定太守謝公監試

相逢猶訊真形圖

使命何期調邕管沿江置驛荆門趁霜秋潦盡怒濤伏孤
舟容與看山俱郭門對面九峯峙興來載酒曾何須江流
山脚繚而曲嵌空鑿壁摩跣陟級丹崖徑三折入門黃
菊畦一區僧來導游註易洞方圓先後心傳圖右轉登樓
俯木杪玉局肖像清且都三江到檻練迴合三峩列案雲
模糊樓頭明月醺綠水酒杯萬里高懽呼烏尤一角眼睥
睨蟲魚注豈磊落徒烏尤山有郭璞爾雅臺謫仙人去七百載醉歌
洗硯池已枯藤蘿絕頂罍瓊瑤歷劫不壞丈六軀海通開
山洞猶古其功豈與離堆殊暮霞截流放艇去青衣如鏡
波平鋪斜陽放出大峩翠回頭窄堵迷烟蘆江山入手慰

平昔封侯識韓誠區區

鹽井

蜀都千里沃地寶在山中井以勞民養鹹爲潤下功尋源
窺斥鹵鼓竅鑿玲瓏巨賈權程卓深求拜耿恭三危知水
黑九仞計泉通綆豈統單極瓶曾竹比筒形宜牽玉虎力
或假華驄雪奪熬波素薪然束緼烘榷商遷賦賒近鹽擅
嘉印火燄依泉達膏油當燭籠漏聞丸石補枯訝穴金空
絡應分星準籌多煮海雄杼除煩葛相巧漫闢蠶叢書字
右軍憶詩流左氏同觀天仍未得辨義究難窮霎眼健爲
過拈憑耳食工

次敘州

可怪西川樹霜秋葉未丹遠遊來剗道遺跡渺兵欄城近
山遮堞江鳴夜聒灘流杯池在否獨立漫盤桓

題張玉屏檢討

孔訓

梅花主人小照

我家近住孤山麓湖上千株萬株玉花時喚起水仙魂載
鶴歸來看不足扁舟還泝金閶城徑探鄧尉尋山行劇憐
我是看梅客眼波如海環香雪別後春風惱鬢絲驛使年
年寄誰折今年忽漫錦江游看過芙蓉黃菊秋東下江陽
泊柔櫓江干邂逅梅花主白鬚紅頰飄飄仙八十朱顏尙
媚嫵自言小築在渝州梅花千樹環雲塢雲塢年時花盛
開往來裙屐攜尊罍乞得閒身爲管領畫中人憶坐莓苔
梅花與人兩清絕飛塵那得污巾襪偶然小劫落蓬山若

問前身定明月明月滿江照我船我來不見花光寒花光
畫卷渺難卽余未見照題詩冰雪皆因緣巴山秋夜吳山春冥
冥不分花爲鄰願君壽考三千歲長與梅花作主人

寄懷玉崖觀察并索觀梅花主人圖題詩

梅花主人清且癯江船坐話梅花廬起爲梅花索題急主
人猶有梅花圖圖今却寄詩人手題詩約在梅花後詩人
遙憶晚晴園鎖院寒簾共笑言恨不近攜冰雪卷一洗秋
堂五色眼等閒鴻雁別江天回首春風誰折簡春風昨夜
墮我前鞭鸞恍遇姑射仙未到梅花香影裏已落詩人紙
帳邊詩成知比梅花瘦年年東閣高吟舊主人惜花花解
詩有詩不朽如花壽他時驛使寄相思不問梅花只索詩

天涯如此足風雅多事江干楊柳枝

江行雜詩十四首

利州西下轉夔州山水天教壯客游來控白雲穿棧路去
邀明月泝江流

輕橈十二百重山大佛巖頭始見灘惟有詩人能道破逆
流船也上天難

犍爲古郡驛沈犀犍道通流若水西聞說江陽如畫裏行
人夜半發清溪

撫琴臺下阻停颿隔岸江天落照銜山谷書江天二字在
瀘州隔江東月巖

畫戟堂開臨萬戶故應喚作使君巖州治在一山上
倚攬城郭之全

少岷山遠見葱蘢烟樹平羌東復東野飯白沙成小泊江

聲人語趁墟風

渝城遙望翠微顛樓堞參差覆頂圓禹廟空山負登陟西風催我買巴船

彈丸小邑枕江壩百室風烟劫燼翻長壽縣治適被賊擾祇辦匆匆行過去泊舟今夜荔支園

郭外涪陵一水分北巖疊翠莽斜曛伊川山谷皆仙去剩有虛亭鎖碧雲

千古詩人白傅祠巴臺寺畔樹參差西樓歌女東樓讌望斷江南唱竹枝

陸相墳荒積翠鄰江山風節總憐峒忠州一謫臣心見我是宣公坊底人

江月小來依舸近峽山連處趁人高夔州郭外八千尺直
放身時酒力豪

打鼓敲鉦晚未闌蓬窗高枕俯江湍南陵一霎穿巫峽清
夢猶縈百八盤

青天回首碧雲深已作蕭條楚客心萬里游輕人鮪甕一
天秋老女嬃砧

放溜貪風利長年行程直指下牢邊賣茶更不逢巴女底
汲蝦蟆碚上泉

渝州曲

郎如江中水千里不回顧妾如江上山長在江心住山山
相送江水流郎船今日到渝州渝州鼓角晝不息賊氛昨

日焚江北郡符下縣急如火團募鄉丁爲殺賊賊人去官
軍來兜鍪前日生塵埃發蹤四出何爲哉乘舟安穩下江
東江頭明月唱玲瓏金尊無那輕離別烽火巫山一萬重
郎行渺渺南飛鵠妾心輾轉巴江曲海棠溪畔淚雙流淚
痕記取相思竹

海棠溪相思寺
產竹皆在重慶

重慶喜晤趙退密太守卽席賦贈四首兼簡姚一如

太守

風流作郡例詞人況向渝巫結勝因臺省十年裁詔手江
山千里乞符身軍中筆用枚生速劔外詩傳杜老新玉壘
防秋猶未撤繡衣行夜出重關
官舍霜清菊未殘鴻泥不分此盤桓忽驚綠鬢生秋漸如

上青天治蜀難話雨情牽仙侶遠談兵氣挾酒杯寬我今
別去同惆悵桂海遙遙北斗關

郭外千峯思渺然使君風味尙青瑣錦江琴鶴攜清獻春

草池塘夢惠連令弟硯懷鴻臚幾喚放衙容被底爲耽留客慣燈

前傳家一集重持贈快讀真如下峽船時以尊甫全集見貽

五馬從戎八月槎依然良會隔天涯雲間日下同年面春

韭秋菘萬里家雲間諸同年唯六峯昨又相見家鄉肯廉從鄂制府入滇奏補蒙化同知一如來書

云久不鱸夢緣知縈幕府雁書來恰對簷花席上得軍郵得信一如書

煩爲傳消息巴剎纔過去驛賒

灘行偶成

岷江萬里長平波拭如席胡乃洪流中峙此數卷石惺惡

太無情闖然剪淨碧坐成激搏勢行舟悸心魄方知造化
奇剖竅妙無迹掀翻蒼玉開拘束峭波窄亦使戒風濤聊
退名利客我今下湘灘霜秋泝水驛一灘復一灘層層浪
高泊高浪吁可踢奈何賊氛迫江舟伐鼓晨枳縣傳烽夕
瀕江百室家踉蹌曠安宅提攜渡岸南草草樹栖柵老穉
或未濟煦沫漂骸骼雖非戎馬人蒿目慘一昔險境倏已
忘獨坐自咄咄軍中有故人百一陳幕畫調楊覩縷書未
已前灘沽沽白

風雨舟中初度日作

脩脩白雨打青峯有酒如江意儘濃若士居然游汗漫詩
人莫便歎龍鍾余今年二十九勞生墮地排今日小險驚瀧泥客

蹤對我雲生疑獻壽自裁吉語寫長松

雲安巫

十月泊舟雲安郭夜半人家鼓樂作華燈璿瑜燭花落主人觴客滿堂樂銅鉦催妖巫來道衣矛劍光皚皚倂子跳蕩聲囉唻錢刀擲舞飛塵埃誦誦咒誦書空吟云見鬼物被驅出門去明神爲我消除灾烹羊酌豕歸去來妖巫去坐客賀病者康寧高枕臥宅有不祥盡除破一人信從萬人和東川西川競傳播卽今醜類蹂郊城半是妖巫作賊兵衝堅披銳不退轉頭顱欲落噤無聲元戎威稜掃秋穽犂庭計日渠俘縛與民生聚修太平此風至竟當磨濯巫兮巫兮百姓相便安激而去之誠獨難惟有孝弟力田喻

吉月使知吉凶悔吝之理天地相際蟠佛者且虛無魔障
何漫漫祝史貴誠信詛徒上干爾生不悟法不寬國法
雖寬天難謾爾母墮地甘自殘民非草木有肺肝或者更
化如迴湍以遏奇袤弭亂端此事賴之賢長官胸臆縣君
吾鄉士沙頭與語亦唯唯我今大書記頗委他日輜軒貢
天子

白帝城二首

杜老登樓數公孫躍馬空江迴魚復舊峽坼驚靈東地曠
圓沙磧城尖壤堞風邦人曾廟祀莫認永安宮

絕勝天爲府江山自此階英雄名可數險阻恃終乖卽看
城頭雉休輕井底鼃暮砧聲急裏凝望戍雲霾

時勒公帥
屯師祖師

巖下圍勦
白蓮邪匪

八陣圖

蜀山蒼蒼江水長臥龍不復歸南陽風雲萬古護八陣世
間遺跡猶龍翔定軍之山彌牟鎮昨來經過遙瞻望今朝
放舟魚復浦沙際累石紛鋪張縱橫若按記籍考六十四
絕分八行壁門偃月寓奇正方圖二首參元黃風后井田
制同異因江取勢經緯藏或云高瞰儼行列近視漫漫難
辨將或云雪消水方盛枯槎大木隨波揚水落萬物失故
態硜硜之質從低昂神物撫呵理或有知來象數窮陰陽
愚夫小儒那得測矜奇耳食蚍蜉當我今拜石乞公佑公
乎鑒此醜類戕黎蒼曷不運茲磧上之石一一化作霹靂

火飛電擊戮夔魑狂掃開陣雲黑秦蜀逮樂康莫但吞吳
抱遺恨落落不轉江流旁

次巫山縣

白浪攤錢穩今朝送客風郭圍山斷處江靜月明中蜀道
行將盡妖氛潰欲東白蓮餘匪潰又走巴東我閒懶登眺不問細腰
宮

巫山高

巫山高陽臺側十二峯不可卽烟鬟霧髻光有無我欲擬
之藐姑射仙姝帝女降人間佐禹導江還治山庚辰大駑
授書錄萬世利賴通百蠻功德在民則廟祀雲華冠帔披
瓊鬋騷人輕薄媒兒女朝朝暮暮爲雲雨蘭池入夢知有

無撫拾至今多綺語綺語何礙神女神風雅譎詭窮天人
明河七夕祝牛女小姑彭郎連婚姻況乎寄託作賦手猶
是先生號烏有神仙山海皆荒唐讀書果能盡信否區區
辨駁我亦蒙神女聞之但掩口

巴東晤崔漫亭先生四首

浮雲落日淡烟潏渺渺荆巫獨客心不分孤舟橫野水相
公橋畔重招尋
使君殺賊氣橫秋走馬歸來脫佩鈎白盡燈前鬚鬢影年
來知不爲詩愁

四十八渡江路長多情送客到瀟湘東流水疾西風緊半
日看山留不妨

離思容易酒杯闌桂海吳船水驛寬令子從今數相見寄

書先爲報平安

雲客前輩

登岸過新灘後放舟過馬肝峽空船灘四首

瞿唐下多灘過業復逾咤

業咤皆灘名

習慣膽試粗奔洪了無

怕秭歸朝發船飯頃新灘下名險記放翁信書轉竊訝長

年詔最能謂可安坐駕判官賢主人肩輿枉相迂江步欲

起就石徑怯微罅咫尺不得從小渡舸艚借沿緣耳目眩

雷冒雪光射一葉破浪來間穊不容假柁樓執平衡嚴整

過棘霸須臾馬箭衢飛騰箭離靶三折束愈怒千丈落猶

卸我僕木杪行我輿陟阪乍西風望畫旂須舟已跨吁

嗟逸待勞亟遣勞酒禽前灘問幾何至喜彝陵夜

宜昌有至喜亭

容與未十里又入馬肝峽黯黹太古鐵臂向大波插入烟
莽前村山轉氣吞欲空船與新灘相生驗水法新灘須起
盤新灘冬令水枯唯空舟乃可此乃露脊脅十月盛衰平
下行李悉起負運俗謂盤灘兩頭利行恰顧茲撇漩勢拳勇萬夫怯安得軍令如誰敢
水懦狎巴歸亦有防
堵大帥駐節

山根蟠水腹高下灘勢成山重灘亦複三里曾無平四時
各殊狀乘除隨涸盈操持小不謹石角船背攖淺隘謂易
制患每中所輕乃知天下險常與身歷爭風波更難測危
於叱馭行先聖儼垂訓習坎維心亨

高艣巍然來觸石勢小挫邪許聲徹江倏忽下灘賀船腰
微漏穿客盡濕衣臥借問客何游載重得毋過荅云運官

銅萬里一身簸陟險數如此嚴郵促無那但祝無沈銅行
李願殘破聞言愧我多官驛尠程課修途假乘輶貪閒易
船坐山川入壯游儒冠幾寒餓命窮輕江潭未敢坡翁和

泊宜昌

峯巒萬狀走雲根迸到彝陵出峽門沙界天排江岸濶堞

樓燈照暮山昏夢從今夜眠鷗穩書向三湘寄雁煩

擬託

寄岳州沈太守書

還欲近尋歐永叔堂頭絳雪倒清尊

太守王治山先生遺

招小飲

野泊

渺瀰江湖思翩然一舸輕帆風衝水白薺樹帶烟橫形勝
凌三楚飛仙挾八瓊何人爲指點九十九洲名

南風

南風方便我一驛埃邊臺日落水窮處鳥歸帆外來又魚
橫艇出販橘趁墟回胸趣烟波濶詩逋清景催

過洞庭湖三首

岷源千里泛槎星直送江流合洞庭秋竹影搖湘月冷野
雲痕曳楚峯青相親鷗鳥隨紗帽多事魚蠻架網屏太古
蕭寥張樂地天風中夜響瓏玲

北渚霜飛十月鴻夷猶極浦渺雙楓岳陽樓醉仙人酒青
草湖帆估客風西子有人同載舸莫徭何事敢鳴弓君山
已隔蒼烟暮底問靈威洞可通

絕代才淹屈宋心騷愁多半楚人吟天涯搖落秋如許芳

草留連綠到今叫斷帝闈鴻雁遠招來山鬼薜蘿深胸中
八九吞雲夢賦手相如太麗淫

逆風

沌口沙枯秋水空

驛路應由虎渡口卽岷江東流于漣處今水淺不能行舟乃取道石首入洞庭

湖回檣那泝岷流東宮亭不遠長沙驛十月江南多北風

北風前日一相送昨日平波拭雲夢五兩烏頭颺揭旌三

商羊角搏颺鞚

日出後南風始作

牽舟上水本來難況是刁調駕

激湍隔岸青山看不動篙工杯酒氣全殫

杜詩篙工密是巧氣若酣杯酒

舳艫無數排烟渚坐閱千帆斜日暮碧宇無雲但雁聲空

江撒網喧魚步雁聲魚步極瀟湘望斷青楓點素霜帝子

千秋瑤瑟恨夫君何處折蘭香從來湘客多幽怨鮫室龍

堆君不見那便扁舟泛五湖但須事事求如願

湘水

湘江不可唾一色碧於天鏡影秋爲骨琴聲水有仙鷺明
沙上雪人杳樹頭烟勗爾臣心似何愁風浪顛

湘潭道中二首

瀟湘放棹鏡中身遵陸重教所歷新嵐角青松高壠寺屋
邊歸犢矮籬人暖風羈幘知春小清景魚簪向我親客思
飄然畫圖裏桃源莫問武陵津

蒼蒼平楚渺無垠定有騷人詠夕曛江上千帆雲樹破馬
頭一徑稻畦分南荒已靖宵旰警東作先籌厚水耘卣憶
才高宣室對更從弔屈競鴻文

閱浙省題名喜仲弟械中式却寄二首

別時爾未識之無昨雨連床一紀逾士論曾閤三筆擅文
心果見五經腴春花實茂年時盛夜檠功深火候殊漫道
天香如拾芥孫山幾輩老頭顱

懷歎文筆
都可觀

余八都時弟方五歲乙卯
年以祖母艱歸里弟已食

科第門才反手便

二十年來吾家成進士
者五人中式者八人

文章命達總關

天清芬莫忘平原賦黽勉甘輸偉節賢吉語瀟湘憑候雁

離懷雲樹隔飛鳶望賒萬一春風第比似兄羸正十年

以余

三十歲進士弟
八十年才十九耳

陟雄飛嶺三首

甃石鱗鱗蘚路斑霜清殊未見楓殷長松直幹曾無障萬

綠陰中露遠山

陽曜陰雲闔復開四圍濃翠自成堆僕夫莫道崔巍甚我
馬行經蜀道來

沙淨寒輕勝北郵祇因暑短覺途修馬蹄也自風塵減踏
盡空山落葉秋

山行

線路窄如巷披荆蒼霧濃亂山都培塿矮樹盡杉松落葉
厚一寸清泉環幾重西風欲釀雨詩意瘦吟筇

山行見石狀甚奇詭

南天不知冬昨夜風轉北凌兢峭晨寒俶詭逼峯色瘦削
蒼圭青津潤元雲黑聚豈伏波米潑訝元章墨纍纍不可

名厥狀萬千億角立鮮戴土叢繞如插棘鑿穴轉岩學橫
波或偃側屏几安無頗蟲鳥形似特華虞鯨欲鏗金精蟻
半蝕鐵冶萬古爐刀劒鋒不泐雖然駭觀瞻造化何礪刻
瘴雨與蠻烟醞釀想吹息棧峽窮幽奇還來此登陟天教
遍看山詩畫摹不得却憶柳柳州人少嘲多石

湘山寺觀祖師像

祖師何必稱西來曇花世現震旦開淨土從來五華嶺彌
陀不戀青蓮臺蓮臺飛入湘源寺獨造徑山尋了義推月
燈光大悟參機鋒棒喝筌蹄棄飄飄得道轉衡湘走却胡
僧百佛堂孤障莫教傾李杜虎頭爲報吼汾陽主人況識
僧祇劫覆釜山高笠先結冠子青崆衣紫霞須彌四大皈

誠悅弛禁迎師歸道場霖袈三日拯年荒功成百六隨真
寂筍布山前十一光節使浮圖起妙明金剛不壞證無生
龕燈有盡輪常轉肯使空門色相爭香火只今磐石上禪
林第一山城曠傳舍光陰任剎那壽如師者無無量近以詩西
爲當途假館之所

磐石崖

巉雲如戟削芙蓉路接祇園不隔峯江髓分時凝翠雨市
梢盡處擁青松凌虛徑絕應無鳥倒影波奇定有龍華蓋
君今仙去久飛鸞橋鎖洞門重

李松圃比部以先文端書和益翁姪歸來十詩卷見
贈敬題並謝比部用先韻四首

嶺外詩人寓謫仙相逢何意付雲烟卅年客裏巾箱本一

卷吾家翰墨緣老筆尙書行奉使閒身太守乞歸田坐中

跋尾諸孫輩落拓江湖未第前卷後有薛石宗伯跋語宗伯爲文端從孫益翁從姪

銅符憶向桂林遷師命牂牁督饒專持節勲名高叱馭平

蠻心事寄飛鳶田園揮手真如夢詩畫殘年也入禪都荔

祇今遺愛在一經誰與荷青瑣益翁能詩善畫以桂林守擢貴州糧道督餉平苗乞

歸數年卒一子未第亦旋歿孤孫貧不能讀書謀食於外

掄才

恩界豫章偏宗伯從公映後先秋使星栽雙桂影文端丁卯庚午

兩典西江試丁卯之役宗伯實從而甲午己亥宗伯亦准兩典西江試其詠至公堂雙桂詩序云公丁卯手植者滿

江月擁一麾邊卷內有一麾乍擁灘江月匹馬曾飛南清烟注益翁出守柳州適余奉使嶺南云云

鹿茸數典君成就鴻雪留蹤我撲緣多感天涯持贈意清

芬願不負家傳

樓女史畫冊曰清芬世守

半邇村南澈上連海濱一角渺峯顛

先世居半邇村先祠在澈上成親王書

湖天海月樓額

香山坊冷金陀月蒙

文

端開第

遷郡城之金陀坊

別

墅春遺玉樹烟同譜彫零阮籍淚

開仕叔為文端之孫與同舉南宮視學滇中

以六月外家軌躅杜陵篇

先外祖母即長祖姑文端

寒燈

對此多悵觸儻夢南湖路八千

除夕

此身何意落炎洲小飲屠蘇醉便休閱歷今年行萬里飛

騰四十雲平頭文章豈敢期華

國生世多應判遠游一樣

觚稜雲五色朝
天獨夜聽雛籌